

BAHAYA POLITIK MEMPENGARUHI ILMU PENGETAHUAN DI DALAM SEJARAH ISLAM

Hadis-hadis palsu telah banyak dibuat untuk meruntuhkan satu puak dengan satu puak yang lain bagi menegakkan

maslahah dan keutamaan golongan masing-masing. Yang demikian ini adalah patut dicontohi dan diperhati kesan-kesannya

kepada perancangan yang hebat yang berlaku di dalam sejarah Islam. Ini ialah tujuan sebahagian daripada ucapan

Kiyai Wahid Hashim Menteri Agama Indonesia tatkala membuka Perguruan Tinggi Islam di Jogjakarta.

Pada ketika umat Islam dahulu menundukkan

politik pada ilmu pengetahuan, disertai dengan takwa

maka kemajuan, kecerdasan untuk disaingi oleh

suburnya berkembangan manusia. Akan tetapi pada suatu

ketika syarat hidup yang kedua iaitu takwa telah

mulai kendur dan mulailah hawa nafsu mengalahkan

ilmu pengetahuan kerana dorongan siasah iaitu disebabkan

oleh kehendak hidup menang yang bersarang dalam hati beberapa

orang yang terkemuka. Bagi mendapat kemenangan itu mereka

lu menggunakan ilmu bagi melaksanakan keinginan atau

hawa nafsu. Dalam hal ini bukan sahaja orang memutar

balikkan keadaan dalam pelajaran-pelajaran yang diberi tetapi

perbuatan mereka sehingga memalsukan hadis-hadis

yang dikatakannya disabdakan oleh Nabi Muhammad (SAW) pada

sebenarnya tidak di dalam hadis-hadis begitu disebut "kebanyakkan"

sesuatu golongan dan dijanjikan pahala-pahala kepada kepada pengikut-pengikutnya,

sedang "keburukan-keburukan" golongan lawan ditunjukkan

disertai dengan ancaman-ancaman kepada mereka yang mengikutnya.

Sebagaimana dapat difaham jika sesuatu puak dapat

membuat hadis-hadis maudhuk (palsu) sudah tentu pihak

yang lain tidak akan berdiam diri lalu membuat pula

hadis palsu. Maka mulailah perencannya disebabkan oleh

kemauan akan pendapat kemenangan yang didorongkan oleh

kemauan politik itu. Semakin lama pengaruh

politik kepada ilmu pada lingkungan orang-orang Muslimun

semakin besar sehingga pernah pada suatu masa ilmu itu

dicorakkan kepada kehendak politik.

Akan tetapi di dalam lingkungan cerdik pandai sentiasa

muncul ulama-ulama yang mempunyai takwa dan berperasaan bahawa

tanggungjawabnya kepada Allah Subhana Wattalla jauh lebih besar

daripada pemegang-pemegang kunci politik dan dengan kerana itu

lalu melangkah dengan langkah yang sesuai dengan perasaan

tanggungjawabnya kepada Allah Subhana Wattalla yang besar itu.

Kejadian yang semacan ini pernah dilakukan oleh

Syeikh Ibnu Abdul Salam yang melihat kekejaman-kekejaman dan

kezaliman-kezaliman yang dilakukan oleh orang besar-besar Mesir

yang berasal dari keturunan Mamluk yang telah dijadikan

pegawai-pegawai tinggi oleh raja-raja lalu membuat sekehendak hatinya

yang menjadikan Syeikh Ibnu Abdul Salam meyeru supaya diadakan

"lelong am" (sesuai dengan hukum yang berjalan pada

masa itu) untuk menjual murah orang besar-besar itu.

Bagaimanapun kerasnya bantahan yang dilakukan oleh orang besar-besar

itu tetapi Syeikh Ibnu Abdul Salam yang berani dan tulus

itu telah berjaya melaku "lelong am" itu dan

terhindarlah rakyat daripada kezaliman dan kekejaman

mereka itu.

Dalam perhubungan ini telah pada tempatnya apabila di sini

dikemukakan harapan rakyat supaya Perguruan Tinggi

ini dapat kelak menghasilkan cerdik pandai dan ulama

yang mempunyai takwa, perasaan takut kepada Allah Subhanahu

wa Taala dan dengan sendirinya menimbulkan rasa

tanggungjawab kepadanya lebih besar daripada tanggungjawab

kepada yang lain; dan yang demikian lalu bersikap tulus

serta berani membela kebenaran menundukkan politik kepada

ilmu pengetahuan sebagaimana halnya ulama yang sebenar-benar ulama

itu.

Kebetulan benar soal tentang politik dan ilmu

pengetahuan di Indonesia pada masa ini sampai di simpang jalan.

Jikalau sebutan politik dan ilmu pengetahuan secara

umum kurang tepat, maka sekurang-kurangnya masalah yang sampai

kepada simpang jalan ini adalah politik dan ilmu dalam

lingkungan umat Indonesia secara khusus. Di sini

tidak akan dihuraikan bagaimana berat sebelahnya pandangan khalayak ramai pada ilmu pengetahuan di dalam lingkungan umat Islam di Indonesia.

Walaupun bagaimana umum tidak nampak tetapi seorang penyelidik perkembangan kebudayaan dalam lingkungan kaum Muslimin jelas nampak bahawa sekarang terdapat dua pimpinan politik Islam: pertama – pimpinan politik Islam.

Dan kedua – pimpinan agama Islam. Golongan pertama pada umumnya terdiri daripada cerdik pandai yang berpelajaran Barat dengan cukup tetapi di dalam soal-soal agama boleh dikatakan tidak mempunyai pengertian sama sekali sedang golongan yang kedua terdiri dari ulama yang mendapat didikan agama Islam yang cukup tetapi pengertiannya dalam didikan umum pada umumnya tidak lebih daripada peringkat menengah.

Tentang pengertian politik terutamanya mereka boleh dikatakan tidak ada mempunyai kesiapan langsung. Kedua golongan tadi hingga sekarang belum dapat dijumpakan di dalam sebenar-benar maknanya. Di dalam keadaan yang sedemikian ini makin besarlah harapan yang dikandung oleh kaum muslimin terhadap kepada cerdik pandai yang akan dihasilkan oleh Perguruan Tinggi itu kelak iaitu golongan cerdik pandai yang disamping pengertiannya secara dalam tentang ilmu-ilmu agama dan umum disertai takwa kepada Allah Subhanahu wa Taala, ditambah pengertian atas masalah politik; dan yang demikian tidaklah mungkin akan terdapat golongan ulama yang dengan tidak diinsafi lalu menundukkan ilmu pengetahuan kepada politik yang ternyata dalam riwayat telah membawa perpecahan dan persengketaan sepanjang-pantjang sejarah Islam yang beratus tahun itu.

Perguruan Tinggi yang akan dibuka pada hari ini merupakan Perguruan Tinggi Agama Islam. Harus seolah-olahnya dengan pembukaan Perguruan Tinggi bagi agama Islam ini yang merupakan Perguruan Pemerintah (Kementerian Agama) ada terkandung maksud akan melebihkan golongan agama dan mengurangi harga golongan yang lain. Sebenarnya tidaklah sedemikian.

Bagi golongan Islam sekolah agama yang mengajar dan

memelihara didikan agama dengan dasar pengetahuan betul-betul serta berdarjah universiti belum ada di Indonesia pada hal golongan agama yang lainnya sudah ada sekolah-sekolah tinggi teologi yang boleh dimegahkan dan memberi buah cerdik pandai untuk mustahak masyarakat dan negara tetapi tidaklah demikian halnya dengan golongan agama yang menjadi golongan yang terbesar daripada bangsa Indonesia.

Pada langkah sekarang diusahakan berdirinya Perguruan Tinggi bagi golongan Islam ini dan dalam langkah-langkah ini Pemerintah (Kementerian Agama) kelak akan mengusahakan menggabungkan sekolah-sekolah tinggi teologi tadi dengan Perguruan Tinggi agama Islam ini; itupun jika hal tadi tidak menjadi keberatan kepada golongan-golongan agama yang bersangkutan. Jikalau menggabungkan dalam erti mempersatukan dirasa berat oleh mereka maka usaha bagi mengadakan kerjasama yang baik perlu dicari cara-caranya hingga membawa kebaikan bagi semua golongan agama di Indonesia.

Sekianlah ucapan Kiayi Wahid Hashim tatkala membuka Perguruan Tinggi Agama Islam di Jogjakarta pada 26 September 1951. Rencana ini ialah sambungan ucapannya yang disiarkan dalam majalah Qalam bilangan 16.

Jika kamu dihormati dengan satu salam maka hendaklah jawab dengan cara yang lebih baik atau (sekurang-kurangnya) jawablah – maksud Al-Quran surah Al-Nisa' ayat 86.

Apabila dijemput seorang daripada kamu kepada pekerjaan kahwin hendaklah ia datang – (maksud hadis Sahih riawayat Bukhari)

Hai anak-anakku jaga-jaga janganlah engkau berdusta kerana dusta itu merosakkan agama menghilangkan kehormatan, menjatuhkan darjah kalau engkau berkata orang tidak akan dengar dan kalau engkau berkhabar orang tidak akan percaya

- Luqman Al-Hakim